

Vunz Ranzgyaeq Guhlawz Couxbawx Haqlwg

□ Godoq comz hoiz



▲ Ndaw ruz yienghneix nda.

▲ Doxgaiq gwn lai cungj lai yiengh.

◀ Hai ruz bae coux bawx.

Miz gyoengqvunz dwkbya gwn ndeu, comzyouq Fuzgen、Gvangj-dungh、Gvangjsih ranghdieg henz dah henz haij, haujlai daih daeuj cungj youq ndawhaij、gwnzdah gwn youq; gyoengqde aeu ruz guh ranz, dwkbya gwn. Doengh aenruz gyoengqde youq haenx yiengh lumj aen'gyaeq nei, neix vunzbiengz couh heuh gyoengqde guh "ranzgyaeq"; Cungguk moq laebbaenz le, cungj heuh gyoengqde guh "ranzdan'gyah". Youq gih raeuz, dingzlai vunz ranzgyaeq comzyouq Bwzhaij.

Bwzhaij gyoengqvunz ranzgyaeq daj bi 1840 gonqlaeng youq rangh-dieg henz Dahcuhgyangh caeuq henz haij Gvangjdungh haenx mboujduenh senj daeuj youq. Gij hengzguh couxbawx haqlwg vunz ranzgyaeq couhgw cungj yienh'ok daeuz ndeu baijok doenghgij sibgvenq baenz-rangh gvendaengz vunzcoj ranzgyaeq aeu ruz guh ga(giuh) daengj.

Bouxcoz ranzgyaeq couxbawx haqlwg ne, bouxbawxmoq hwnj aen ruz bouxgvanmoq gaxgonq, deng cingj gyoengq beixnuengx meh-

mbwk bingzseiz caeuq swheij doxndei haenx caeuq gyoengq caencik doengzcaeuz comz youq ranz swheij guh ciengzciengqgo caeuq "hop daiz" daengj, aeu neix daeuj cienz gij cingz gyo'mbaiq bohmei seng ndang ciengx mingh son roxsoq, cienz gij cingz ndek mbouj ndaej vunzranz. Guh "hop daiz" seizhaenx, bawxmoq caeuq gyoengq nangz gimx、daengj haj boux beixnuengx doengzcaeuz gyoebbaenz yiengh lumj aenruz ndeu; ndawde boux ndeu cangguh bouxgyaeujruz, boux ndeu cangguh bouxgaemdoh, boux ndeu cangguh bouxbanhug, song boux cangguh bouxcoengh youq gyaeujruz. Boux mehmbwk cangguh bouxgyaeujruz haenx fwngz gaem aen liengj ndaem ndeu, aeu mae nyib bakliengj haeuj, neix dangguh gaiqcauh hung, boux mehmbwk

cangguh bouxgaemdoh youq riengruz haenx youq giz cei laeng, umj fan mbinj ndeu dangguh doxruz, bouxbanhraz、bawxmoq caeuq bouxcoengh youq cungqgyang, gyoengqde doq heux daizbaed byaij doq ciengq. Gyoengqde miz gonq miz laeng ciengq doenghgij go ndawsim saenq gijmaz、baenzlawz guh dauhleix、aencingz vunzranz beixnuengx daengj, aeu neix daeuj lwnh vunzlai doenghgij simsaenq、lijsiengj caeuq maqmuengh gyoengqde, neix yienh-ok gij hengzguh ndei cojcienz roengzdaeuj haenx lumj aeueiq hawj bouxgeq gyaezmaij ganq ndei lwnyez、gaengxuh simndei daengj.

Riengz seizdaih bienqvaq, biengzvunz hwnghat, gyoengqvunz ranzgyaeq yied daeuj yied lai senj daeuj gwnz mboek youq lo. Neix doenghgij sibgvenq gyoengqde hix gaijbieng haujlai. Gaxgonq "aeu ruz guh giuz" coux bawx menhmenh bienqbaenz aeu giuh couxbawx. Daengz 20 sigi 90 nienzdaih, gyoengqvunz ranzgyaeq Bwzhaij cungj "aeu ci guh giuh", mbouj caiq miz vunz "aeu ruz guh giuh" lo.

Bi 2008, vunz ranzgyaeq gij sibgvenq couxbawx haqlwg ginggvaq Gvangjsih Bouxcuengh Swigih Yinminz Cwngfuj doengzeiq, ndaej lied haeuj daihngieh buek swigih gaep feihvuzciz vwnzva yizcanj mingzloeg.



▲ Song gvanbaz moq gingq laeuj hawj bouxlaux.



▲ Gyoengq beixnuengx comz haeuj ruz couxbawx.



▲ Bawx moq caeuq gyoengq beixnuengx mehmbwk ciengqgo lwnh aencingz.



▲ Cang bawxmoq ndeindei bae.



▲ Vunzlai cungj angqvauvau.



▲ Coux gvanbaz moq hwnj ruz.



▲ Aen giuhva gyaundeid dangqmaz.